


藤巢先生文集

四

和書門			
三二五	二二九	二五八	二五
號	函	架	冊

和書	
三二五	二二九
號	冊
二五八	二五
架	冊

內閣文庫	
番號	和 32255
冊數	25 (14)
函號	205 236



後編鳩巢文集卷之四

東都門人 豐浦伊東貞編輯

薩摩守日中門生山田君豹校

詩四

五言七言八律類

元日恭賦述私祝意

金門向曙漏聲遲正是宵衣待且時周宴長迎王母

喜漢官何用叔孫儀欲催登降日邊駕先唱肅雝

車下詩共道陽和春殿好條風吹度萬年枝

奉賀白石先生新井筑州使君六秩初度一首

君家白石是仙臺，况復太平壽域開。腰下芙蓉三尺劍，手中鸚鵡萬年杯。
 本朝文獻欽遺老，當代風騷待上材。此會長期春社燕，幾回飛逐盛筵來。
 兩鬢一心報國心，主身恩光舊佩。玉麒麟昔聞枳國憂，天久今見泰山捧。
 日新名下並翔珠履，客目中雙舞綵衣。人義和欲襲生辰吉，更遣歲餘在仲春。
 當日懸弧設壽筵，太平物色自依然。重逢尚齒洛陽

會正值共和周室，年窻外花開新雨。露樽前人對舊山川，武城自古絃歌地。應有箏韶奏九天。
 古來英傑出儒流，君自登瀛第一洲。圯上曾傳黃石略，社中還從赤松遊。武陵春接桃源水，韋曲天隣柳外樓。
 應是招尋無盡日，今年海屋五添籌。大夫身上著官袍，刺史夢中懸寶刀。
 雙下神鳧原賜鳥，三偷仙菓始開桃。春歸東海恩波濶，日繞西山瑞雪高。
 珍重伏波今益壯，據鞍矍鑠是人豪。南極曙光照戶庭，宛然君似老人星。
 絳紗帳下暮

禮藍玉案頭盛五經乙夜書呈藩國譜中興

廟勒景鐘銘太平無象春長在唯見滿江草色青

君嘗著藩翰譜進之又

昭廟鐘銘君所撰故詩及之

昔年奉使到西京紫氣東來關吏迎文物往觀三代

禮風謠歸報四方情誰知函谷青牛客舊是漢家白

馬生今日春輝堪共惜更憑君實答昇平

宋元豐中司馬溫公居洛陽與諸大夫為

真率會時公年六十五其詩有共力惜春

輝句今採其語以勉使君又竊奉

昭廟顧命之意

二月黃堂佳氣濃春風行酒樂時雍鄉人俱接新携

杖海鶴欲巢舊種松曾論當年餘半部漢廷今日問

中庸自憐我醉為君壽不覺南山曲裏重

春風清暇在家時夢見周公君未衰楊柳還如長命

縷梅花長發舊年枝千金詩貴雞林購五色草成翰

苑知寄語前途須自愛功名行與古人期

朝鮮使者得君詩草甚驚異爭購數千部

携歸其國故詩以白居易事比之

孔光六十漢鴻儒賓客滿堂酒滿壺直省宜携靈壽杖講筵常賜寶裝鑪寧辭薏苡車中謗欲照麒麟閣上圖經術紛綸當日事抵今誰復問唐虞

賜靈壽杖省中置杖皆孔光故事講筵賜鑪君每寒天侍講有特旨內出炭火鑪以為常故詩借用唐內庫七寶鑪事

中秋宴天爵堂

江天雨散武昌樓揚柳蕭疎烟霧收玉管飄揚當夜

起金波泛滎拂階流綺筵為設十千酒飛蓋相期三五秋老子今宵餘興在復將白髮共清遊

詠霖師所惠摺疊扇二首 并序

泉州霖道人能詩又能書畫嘗為我就扇面圖山水遊歷之迹上題舊詩揮洒三幅投贈千里余愛翫不忍釋手為賦此詩謝厚意古稱匪報也永以為好也其此之謂

寒玉削成宮樣裁故人相贈手中開不須藏笥總齊

素却勝披襟登楚臺銀浪疊時魚眼小仙風生處鶴翎回更憐隴首亭臯句何借王融上扇來

柳吳興亭臯隴首之句王融書之白團扇

方外風流霖道人從來遇我宿心親三年不減懷中字千里堪為席上珍摩詰好詩兼畫妙婕妤團扇寄情新窮冬最憶草堂夜南國寒梅應近春

江南別意

翠樓朱檻靄餘暉湘水東流雁北飛忍淚為君題錦字看書知妾濕羅衣桃花如雨紅初落楊柳似絲綠

四圍春色抵今無限好不知遠客幾時歸

塞外客意

八月秋風河水寒孤城寄在白雲端草衰塞上胡笳動雁度樓頭漢月殘烽火纔飛千騎合鄉書一到萬人看年年征戍空皮骨懶向故國說舊歡

中秋宴天爵堂

萬里涼風度海隅一輪明月上雲衢仙娥宮裏掛天鏡太守堂前還夜珠露彩共團浮桂苑潮頭同滿繞蓬壺年年羞過中秋宴漫對諸君稱老儒

重用前韻奉謝筑州使君賜和中秋三首

明月遙臨東海隅，秋天如水浸通衢。無私元自帝王鑑，不夜何曾江漢珠。萬里飛來連玉笛，四更滴盡下銅壺。一從燕市悲歌去，唯有故人醉腐儒。

故人高卧武城隅，車馬東西滿九衢。白眼相看多按劍，朱門何用闔投珠。兩朝大議歸金冊，一掬小心落玉壺。莫怪悲秋今夜切，古來騷思在吾儒。

月滿高樓敞四隅，君家楊柳蔭長衢。國中無價連城璧，席上有珍照乘珠。委影何妨同漢扇，飛光應復下瀛壺。武皇如問登仙客，金馬神人是宿儒。

因前韻自賦寫情 是歲七月幼女病一日暴七

留飲高堂獨向隅，傷心非是哭多衢。百年空惜懷中物，七歲忽亡掌上珠。雙袖風寒凝血淚，孤魂秋爽抱冰壺。誰知今夜團圓月，愁殺武城一腐儒。

白石先生辱和余用中秋韻悼亡之詩，又用其中秋韻重賦一篇，慰余哀情。前後為賜甚厚，遂

各因其韻，併賦二首以謝。

高樓月落照東隅家近金城十二衢欲向絳霄聞鳳
吹何料滄海沒驪珠多愁老去還羞鏡寡和歌來堪
擊壺當日相知唯君在交深未必笑迂儒

聞澹夜堂月影沈音容一絕淚沾襟生時彤管試織
手身後彩衣餘孝心腸斷千秋亭下賦夢殘百子帳
中吟憑誰解釋無窮恨賴有故人故意深七女早慧

既克從母學針線事又通家約誓不及而
夫故詩中有彤管百子帳等語

奉謝野村務敏君惠茗

窮巷客稀半掩門却思遠道故人存一封遙贈南方
茗十載久違北海樽清骨自緣香拂拂忘憂未必醉

昏昏感君交誼于今厚空有疾生泣舊恩

送甥昌言歸北地

少年攬轡五花騮落木霜天奈旅愁尚想合歡河朔
飲可堪分袂渭陽秋海中赤日生殘夜塞上白雲繞
燕丘憐汝艱難行役苦莫將書劍倦官遊第三句追

言夏月會飲事

正月十四日詣三緣山謁

昭廟道中作
 萬戶曙開長樂鐘，公侯車馬陌頭逢。
 鴛鴦瓦暖日華動，鳧雁水明城影重。
 西內春催原廟草，南山雲繞茂陵松。
 百年禮樂漢天下，猶自使人思祖宗。
 題新井家紅梅呈主人白石先生
 春風花下對芳筵，主客相看憶舊年。
 昔種高名麟閣日，今栽淨界鹿溪邊。
 不論紅粉粧飛燕，只擬錦袍醉謫仙。
 縱有和羹逢結子，誰能采采上鈞天。
 中秋言懷

滿城風雨夜何如，獨坐燈前衰髮疎。
 荆璞未開三獻後，漢郎空老兩朝餘。
 家隣叔夜悲吹笛，身擬子雲對著書。
 北地故人相憶否，蕭然此夕恨離居。
中秋無月
子入 三年故第三句言此又去年八月隣家
主人三宅某卒故詩中用呂安笛賦事
 次韻木君李溪新蒙恩命高倉書院開講示
 同志
 名下忽徵照乘珍，連城高價一朝新。
 月中攀桂青雲近，堂上講經白日親。
 北野猶看冀有駿，東都莫道秦

無人老來將此蒹葭質却愧黃緣玉樹春
新年得明石梁蛟岩信用木菊潭韻賦一首見

寄遂仍其韻報答

玄鶴啣來明月珍下方消息共迎新百年擇主水魚
合四海論交兄弟親屈指東都能賦客屬心南浦卜
居人遙知林壑風光好莫遣絳帷孤負春

奉送黑田使君拜命歸郡城

朱轡皂蓋五花騶休道王孫歸思愁青甸草連楊柳
陌滄洲日落木蘭舟杜鵑枝寒逢梅雨燕子樓邊對

麥秋應是吏民迎境上山川到處莫淹留

寄別坂田生歸鎮西村

關右山泉天下無此行恨不與君俱舟馳海上日千
里家在鎮西天一隅鳧雁飛邊芳嶼轉烟霞盡處碧
山孤官途寓目皆幽絕何必浪遊泛五湖

詠富士山應人需

天邊倒挂玉芙蓉自是扶桑第一峰明月凝華三伏
雪赤輪飛影五更鐘長風在下垂鵬翼疊嶺環旁起
蟻封東海由來堪採藥群僊方駕此中逢

戊戌中秋天爵堂小集予有故不會後日追賦
呈主人是夜陰曠無月又遇月蝕

同人待月對東林回首蟾宮雲霧深楊柳樓前鴻影
暗芙蓉江上笛聲沈孀娥應掩盧仝淚騷客空餘宋
玉心却恨獨違清夜飲相思難寄白頭吟

白石兄辱以中秋次韻都蠡湖之作見示予因

和其韻以酬厚意

高堂迎客復逢秋轉覺歡餘生暗愁雨色空濛神女
夢池光黯淡影娥舟吳剛應爛月中斧度亮懶登江

上樓尚想燃藜天祿夜當時遺老姓為劉

寄北地故人詩九首

一從君向朔方歸歲月悠悠心事違異域書來鴻雁

遠平原人去鵲鴿飛故情難報綈袍贈老淚空霑

荔衣遙想秋風搖落日謝家玉樹自芳菲

右因青地浚新歸家寄兄伯致

昔吾教授始開筵君未弱冠已卓然王祭在門堪倒
屣襦衡投刺可忘年豈料忽逐東流水一去長違北
海天還憶山中愴別處相看對酒淚漣漣

八
送余到栗柯山中飲餞
河梁別去十年間猶自一心夢寐還君是大鵬翔北海吾如小草出東山池頭明月曾同飲洞裡白雲幾
歎閑聞說棠陰下車後訟庭無事吏人閑

右寄與村子復白雲洞是其別墅子復近掌
名家公子自彬彬當日曾為大國臣湖上舊封環百里關東華胄照千春金張富貴今何在王謝功勳世

所珍天命去來君莫恨青門昔有種瓜人

右寄佐佐木用晦用晦承禎五世孫自曩祖

思將定綱以來襲封近江世為鎌倉頭族至足利

容氏李世國亡遂為加藩臣

瀟灑風流自出塵當時一見意相親如何未盡交歡

日忽恨更為遠別身千里裁書情益切百年脩業志

加新天涯漂泊少知己還使廉頗思趙入

中寄成田明遠

燕市悲歌一見君昂昂野鶴在雞群劉牢豪宕舊相

似樂廣風流今共聞幽興幾過門外雪無心同賞洞
中雲別來一覺十年夢衰老何顏向世紛

右寄松崎禮和禮和舅與村君婦翁青地君

山路逶迤知幾巡長林秋色自相親岐岨棧貼過樵

客浦鳴床寒憶羽人千里歸家羈思薄百年報國丰

恩新想君到處多佳興霜葉還如二月花

右送小瀨菴溪東山故道歸故國岐岨棧浦

鳴床並道中名所

山東驛路出林頭今日送君思昔遊萬里古木森森

合一帶長川脉脉流歸客踏過黃葉徑哀猿啼斷白

雲幽人道壯心堪報國休教搖落對悲秋

右送青地浚新東山故道歸故國

秋原何浩浩征旆去悠悠意氣徐君劍風霜李于裘

漁家臨海小鳥道傍山幽寄語燕臺友知吾日白頭

右送山本基庸歸故鄉

奉謝士肥君和予中秋之作二首

君昔材名擅翰林今宵相遇薜蘿深丹梯攀桂香猶

後編鳥集

卷之四

動寶劍，衝星氣，未沈多客幾同類。玉影雙珠難報斷，金心祗知仙子登瀛。夢十二樓頭，寄朗吟。

主人賜第舊烟林，却憶昔遊秋興深。明月光連蘭燭，

動銀河影入鳳樓。沈十年慷慨，感恩淚雙鬢。嗟蛇憂

國心，君自名家終不賤。莊生應有越中吟。

越人莊烏任楚富貴，猶為越吟。君是越中士。

肥之後，故以為事此。

依前韻謝鶴樓主人見和

疎雨澹烟連遠林，由來騷思感秋深。懸壺市上萬家

冷擣藥，樓中雙杵沈。叢桂歌悲誰儷曲，幽蘭琴恨幾

同心。何知今夜樽前語，先及滄浪澤畔吟。

老圃七覽詠

老圃，水戶儒臣安積覺別稱字子

先

碧於亭

三首取山谷江南野水句為名

宗藩周室國老圃，習池臺綠引長堤。柳香餘故巷梅

人家，箕曲繞山色。筑峰來更有汪汪水，乾坤鏡裏開

亭在水戶城西梅香坊，舊有佐竹義重家。

臣某稱梅香齊者家焉，因名坊云箕川人。

家筑波，山色皆亭上。所見亭南有陂水，有
仙坡，周數十里，足稱巨浸。柳堤又其地所

其二

亭子臨青甸，涵虛野水平。陂塘天地碧，風月古今清。
蒼靄野航小，澹烟飛鳥橫。忽聞村笛起，韶濩有遺聲。

其三

幽築碧潭上，青青楊柳堤。水環三畝宅，山對百年棲。
古廟層陰合，孤村落照低。主人高義在，桃李下成蹊。

吉田神祠去亭近第五句指此

紅藥欄

勾欄遮不盡，紅藥與春期。花上玉階早，香調金鼎遲。
佳人堪可贈，遊子恨將離。今日玄暉老，應思直省時。

蟠藤岡

蒼松苔蘚古，藤蔓引盤蛇。錯落千年葉，叢茸萬點花。
龍鬚珠可採，仙珮綬交加。却擬東來紫，相迎尹喜家。

涼月樹二首

月從前嶺出，照此後園陰。松蜜藏渾玉，竹踈散碎金。

驅除三伏暑蕩滌百年襟更恨絳河落其如餘興深

其二

幽僻林塘曲一層待月樓芙蓉開向晚蘆荻暗生秋
玉露鳴琴濕金波拂檻流自非賞心客誰復此淹留

採蓮步二首

荷花何艷艷荷葉復田田花惜紅將落葉憐綠仍圓
水明閑影動風度遠香傳舟隱回塘外高低唱採蓮

其二

日落水雲微掉歌人未稀縈回舟傍渚攀折露沾衣

衝葉紅鱗躍隔花白鳥飛家家烟火起幾處採蓮歸

黃花塢

幽居多暇日愛菊擅風流競鬪千家品栽為五色秋
稠花風影合疊葉露香浮肯許求羊輩從君三徑遊

主人有菊癖凡諸家奇品莫不旁搜並收

而栽培之種藝尤精品第極嚴每至秋時

五色燦爛以奪人目而安積氏之菊聞於

國中云

老蒼園二首

園中種梅取友人所題詩中二字

芳約寒梅在開花每不遲皓皚兼雪白爛熳若星垂
落水生雙影穿籬出一枝幽香歲將晚唯與玉人期

其二

聞君多古意獨愛數株梅春到水鄉早花從名巷開
昔聞齋下種今見園中栽遠道空相憶難逢驛使來

中秋日宴天爵堂暮歸賦奉寄主人

高堂舉酒問嫦娥嬾怨其如遙夜何四野風聲連玉
笛三秋雨色黯銀河大夫授簡知材足老子登樓覺

興多因向樽前論往事偏悲明月易蹉跎

閏四月二日詰朝造謁參政某侯家就乃直到

高倉館為諸生講大學及午時歸家賦

疊鼓襲襲欲曙天早開東閣近城邊鳴騶聲集門如
市多客影移席似煙白髮折腰違夙志青雲蹇步愧
衰年迂儒不識人嘲笑漫向諸生說大玄

詠紙鳶

紙鳶試放在春初長線牽風幾丈餘掌上漸騰飛燕
步空中輕颺化人祛笙過緩嶺鶴翎小舟入河源帆

影疎却嘆青雲難久住須臾跼跼落溝渠

元日城上即事

瞳瞳日出自扶桑舉目豪華雄四方百里山河盟帶

礪三朝玉帛會衣裳舊勛人賜周家賚新調即會漢

署香當代妙年皆鳳逸肯論白髮老馮唐此日自五

位以上各賜衣有等其禮贊執事人先期注

進故項聯及此

送三宅賢生適甲府三首

甲城群嶺西關塞與天齊霜下千年樹雲上萬仞谿

猿啼山月小鳥道夕陽低眼底風光好新詩幾處題

其二

天邊青嶂合攬纒曉霜飛谷口葡萄熟山中柳葉稀

星輝搖寶劍寒氣透征衣寄語東流水君行幾日歸

其三

迢遞關山路朔風催歲寒橋危懸樹杪峯轉出雲端

阮籍窮途哭王尊上阪難幸君書數字為我報平安

甲州產葡萄滋蔓谷杪果亦甲州方產故

第二首中並及此

和多湖玄泰惠韻并序

近世士大夫率皆以武立家不知有所謂文學者其子弟飲膏粱誇輕肥徒以貴富自高而已今縱以古人隆師親友之道語之彼聞焉以為何等事哉吾嘗以古人之風求之於華閥右族中寥寥乎無聞焉而獨於幽側下位得之蓋亦什而一二焉嗚呼世道之不古也久矣有藩國士多湖玄泰醫而儒惓惓有意於求師友之益前日始造余駿臺之草廬執贄相見禮意甚恭懷中出所寄詩二章并序為一幅者示余

辭旨慙慙推許揄揚甚過非所敢當也然私心所感者隆師親友之意藹然溢於言外方今之世此等人有幾其可嘉尚已遂和其韻以答之情見于詩

草堂何閒寂歲月自相推憂國更彈劍讀書空下帷揚雄玄尚白李廣數還奇方喜君師古陳編須共窺

其二

錦綉美人贈開來爛若雲瑤華衣上落蘭馥室中薰仁術能醫國高情復好文腐儒何足道却恐誤君聞

乙巳元旦二首

金甌開壽域玉燭照昌辰西嶺千年雪東都萬國春
重輪新度曲委佩舊同寅禮樂興何日偏勞燮理人
其二

城樓十二層曉色上觚稜橋轉迴銀燭星低挂玉繩
出山終小草觀海羨冥鵬縱有太平策迂儒何足稱
此日巳時以後俄而雨雪霏霏不已遂命籃輿

直到南山廟下拜謁即賦二首
早詣南陵下廟垣春雪飛一杯宗社鎮萬壽禮儀非
龍駕休鳴玉神遊賸寶衣行香緇侶在寂寞守巖扉

其二

廟宇玲瓏在霏霏飛玉塵攀雲鳧舄客步雪鶴衣人
無路賡黃竹有時採綠蘋茂陵他日淚不語自傷春
乙巳十二月二十一日拜謁西城賦雪應

音二首是日正值青宮降誕之辰近臣皆賜
酒餅

朝上金城四望開川原皓皓玉京臺瑤階鳳舞迎祥
旦琪苑花飛對壽杯曲儷陽春知寡和色同衰髮愧
非才仰看孝德先天下卅日問安鶴駕迴

其二

頗恠高城寒氣新海風吹雪集清辰
彤庭皆種藍田玉碧樹忽同温室
春萬壽舉杯酬令節千秋獻鏡憶
賢臣腐儒報國奈無策自愧太平獨老身

丙午元旦且拜謁內殿恭賦

一自登瀛克下陳太平法象目中親
莫開堯曆對時毓水上湯盤銘日新
不見簫韶群后讓誰知禮樂百年
春老來喜附青雲士空戴儒冠愧古人

葛廬林公和余元旦韻見寄余荷厚意曷勝仍

用前韻以謝二首

君家未必減荀陳高義素聞吾所親
負廓廬中龍卧久談經席上鳳鳴新
蓂荷溪轉三三徑桃李花開樹
樹春他日仙源如可到武陵還似避秦人

其二

平生心事向誰陳四海由來兄弟親
相識還如青眼舊同心何用白頭新
腰間換酒流星劍夢裡題詩芳草
春寄語梅花清淺水孤山為報姓林人

丙午中秋初昏陰翳不見月

金風玉露下庭梧雲鎖蟾宮月有無河漢初更榆影
暗關山一曲笛聲孤樓頭不見舞迴雪浦口何緣還
去珠相憶故人邈千里今宵清話及潛夫

丙午冬十二月二十六日初雪即賦二首

朔風東海至曙雪暗平津千二城樓白三千世界新
玉珂迷曉騎絳幘誤雞人此日偏幽寂更驚已近春

其二

十年江上雪尚憶在梁園權是玉麟起石皆鹽虎蹲
采樵人失路招隱客題門投簡今誰在終朝酒滿樽

東奧大鳴君遙和余今年元旦韻見寄爾來多
事殷冗欲報未能忽然歲暮矣乃因前韻伸

謝意

東奧金花歌已陳提封千騎自相親早聞家學淵源
遠却恨離居歲月新白屋草枯空對雪滄江夢斷復
生春主恩未報身先老心事蹉跎憶故人

乃翁首崇正學為國人唱故前聯云然

丁未元旦

祥雲瑞日向時和豪氣未灰彈劍歌滿架縹緗窻對

雪半池，羅穀水生波。人間老自新年至，天上春從閏月多。七十侯嬴今白髮，信陵公子奈吾何。

此年閏在正月，故詩中云閏月。

春今茲二月二十六日，敝家子弟設筵，頌余七袞。時之壽竹軒木君分老杜所稱人生七十古來稀。一句字賦賀詩七章為祝，余復因其韻次奉答。以謝厚意，亦如來詩之數。

一門長幼從群賓，比我壽星雙老人。把酒肯論千古醉，看花聊樂百年春。楊家問字玄猶白，墨子悲絲素

未純，豈料闇投明月，贈終朝此對，故情真。

右人字

避日春風初度，迎故人多賜一儒生。兩樽菊釀萬年酒，貳膳尊供千里羹。刮目空羞吳下士，折腰敢擬洛中英。鐘鳴漏盡歸休晚，此意終非為世榮。

此日君及

通家並贈菊花酒，故第三句及此。

少年在洛共遨遊，記得冠童纔六七。官寺尋花上鳳樓，春江垂釣俯鮫室。白頭同任嘆浮生，青眼相逢話

昔日借問周家誰似君四朝遺老姓為畢

小年五右七字

雙懸日月中興時光被扶桑州六十一代典章皆振

張四方文獻多叔拾寧聞商嶺紫芝歌剩見漢倉紅

粟粒獨有腐儒沐主恩不愁弱質難孤立

右十字

絕代詩人杜少陵始稱七十稀今古九如度曲頻頻

歌五色繡衣兩兩舞蝶繞花心蹙細金鶯移柳外挂

長縷老夫醉去共踰躑笑說周旋不中矩

右古字

二月桃花處處開武陵何必避秦來趨庭兒捧青藜

杖對酒客停白玉杯當日出山終小草此生酬國愧

非才太平雨露春將遍莫嘆年華與老催

右來字

君昔仕朝揚德暉登瀛學士比肩稀材堪清選直温

省身答優恩趨禮闈相見風裁生氣色非關衣馬競

輕肥星移物換皆陳迹唯有斷金心不違

右稀字

淺草川泛舟示諸君

兩國橋分萬里流，海門水盡望悠悠。
鬱葱樹色岸邊，屋岬軋櫓聲洲外。
舟擊汰，動搖雲物，影披襟蕩滌。古今愁與君今日，滄浪客孤棹留連。逐白鷗。

謁龜井管廟

岸下繫舟入翠微，林間廟宇自依依。
古藤花後餘蛇影，夏木綠時見燕飛。
未採蘋蘩先致誠，更携翰墨自忘歸。
莫論延喜千年事，空使英雄淚濕衣。

舟羽矣長臣江口竹坡君寄詩追賀老夫七十

壽老夫未荆識竹坡君，忽得嘉貺曷勝欣慰。
因和其韻以答來意。

草堂避俗武城東，此日開筵對曉風。
樽在香浮賢聖酒，客來氣鬪雌雄。
虹誰將名教樂中地，肯換蓬萊方外宮。
厚意難酬青玉案，美人遙贈白頭翁。
一自聞君馬首東，異鄉無路接高風。
素書未寄三年字，綵筆先飛五色虹。
白髮折腰羞聖代，青山入夢臥儒宮。
若非晚節逢知己，誰問夷門七十翁。

竹坡君乃祖江口某君仕舟羽矣最以勇略顯

名慶長中從矣守小松城與前田氏相距其淺
井畷上之戰至今談兵者稱為口實今和竹坡
君詩不能無感遂依前韻賦先世事以贈

慶長天下判西東江口聲威草木風勇氣衝星三尺
劍壯心貫日一條虹新恩昨土歸周德舊國徒封作
楚宮幸遇侯家無事日知君治績似文翁

奉賀宮井太夫人七十壽二首并序

歲次協洽冷月遇嘉平青地君太夫人壽躋七麥粵
替覽揆警初度迺設秩筵開良宴率其子弟獻壽

親闈亦孝子之至情也余受青地君之知深千里
聞慶不得默默於是賦唐詩二章以侑筭代天保
之歌吾聞夫人盛年寡居躬嘗艱苦終育藐孤以
至成立其貞節堅操以為婦則義以為母則仁豈
不足為彤管懿範房帷矜式今青地君兄弟皆有
材有行登庸于國而夫人強健在堂君兄弟左右
就養以酬昔日教育之恩可謂榮矣古稱有陰德
者必有陽報顧天之報未滿夫人之福未艾斯會
也將至期願數舉不已相踵于後寧獨一再哉餘

見于詩賦

君家聖善古稀年，婺女星輝動曉天。中饋割鮮供二載，膳高堂。垂悅對初筵。絕絃琴想蔡媛，老斷素機。知孟母賢。五色綵衣。兄與弟樽前。雙舞共翩翩。夫人幼時所鼓古琴今在其家故第五句用蔡琰事

壽筵開處瑞雲多。初度奉歡意若何。歲晏親闈人益壯。酒酣溽露客皆歌。萬年樹疊不彫葉。千日醉堪可爛柯。吾亦老來同甲子。異鄉恨身未經過。

其二

寄賀薩州人日高翁七十壽且賦松契遐年二

首

青松何鬱鬱相對壽筵開。將此千年樹蔭君百尺臺。光添雲母帳色借水精杯。長結歲寒約寧知桑海催。

其二

齒德真難并并之君與松君如千仞鳳松似九淵龍。高節宜齊壽清風好並蹤。雙榮俱不老此會幾回逢。

追用前韻謝醫伯山宮翁和余新年作二首

二月園林春始和寒梅花下聽鶯歌。浹旬雨潤村村

樹萬里潮來岸岸波當路英材青眼少曩時舊識白
頭多君家更有鳳雛在欲見飛騰奈老何
春風草暖動微和身遇太平醉尚歌雲盡城頭擊瑞
日雪消江上起晴波幽懷對客酒錢足麗藻逢君詩
興多老病欲尋董家去杏花門外莫誰何

奉謝真堂源君和余元日之韻

莫恠武城禮樂和春風此日入絃歌萬家雲暖鴛鴦
瓦四澤水明鳧雁波羞我衰年發思退知君高尚雅
懷多腐儒幸沐琅玕贈材薄無如難報何

寄賀多田氏慈母六十壽并序

多田維則京師人也其遊學東都凡幾年今茲秋
九月將歸省其母來而告行且謂曰歲之十月某
日值家母生辰吾到京之日欲與家兄謀設筵干
家招聚親戚相與為母氏壽此行如獲子麗藻之
賜以往而代南山之歌最於我為至願非所望也
辭意殷勤甚恭余曰年賀非古也然其事出於人
子喜懼之情有不得而廢則君子有取焉况維則
相從之久加以辭恭意切吾安得自吝於言而莫

之報乎君子百行以孝為本洪範五福以壽為先
孝子之事親也豈有窮乎肥甘旨適其口純絲
輕裘適其體及夫娛耳目樂心志凡百奉歡之事
苟在我所得為者盡力營求多方供給莫不為親
致之夫唯壽乎我所為親願者莫急於是而不可
力致不可必得何者壽夭在天非人所與也此孝
子所日夜禱求於天而愛日之誠自有不容已者
其由是之故歟聞今子之聖善年登六秩日滋強
健是子兄弟於其我可力致者無不盡而并其在

天不必得者獲之可不喜且幸耶今廼置酒宴樂
以伸其情而昌大之矣曰不當詩曰豈弟君子福
祿攸降吾意此會自今至期願之年其舉杯於堂
必數數相尋於後堂一再而止哉遂為賦詩以塞
其請且以致侑筯之意

華族盍簪欽母儀德星聚處洛西涯孝心歸省倚閭
日慈訓還思遷舍時雲落綵衣同五色人如玉樹自
連枝寄言霜後好風景此會幾回無盡期
後編鳩巢文集卷之四終

